



JUDICIAL SYSTEM MONITORING PROGRAMME
PROGRAMA MONITORIZASAUN SISTEMA JUDISIAL

23 Janeiru 2016

Komunikadu Imprensa

Parlamentu Nasionál

JSMP husu ba Komisaun A Parlamentu Nasionál atu esklui krime transnasionál, korrupsaun no krime ho natureza violasaun seksuál no inestu atu la-hetan direitu indultu

Iha loron 21 Janeiru 2015, Komisaun A Parlamentu Nasionál (PN) halao audénsia públika ho sosiedade sivil hodi rona perspetiva sosiedade sivil kona-ba Proposta Lei Prosedimentu Indultu, nian antes tama iha diskusaun espesialidade. Audénsia ne'e partisipa husi JSMP ho AJAR.

Iha audénsia ne'e, depoisde hatoo apresiasaun ba Komisaun A Parlamentu Nasionál (PN), ba oportunidade no konsiderasaun atu involve sosiedade sivil iha prosesu ne'e, JSMP hahu ho observasaun jerál kona-ba istoria iniciativa ba prosesu proposta indultu, prátika indultu iha tinan sira liuba kotuk no nivel konfuzaan públiku relasioana ho ezersisiu prátika indultu iha Timor-Leste.

Iha JSMP nia intervesaun, JSMP husu ba Komisaun A-PN atu konsidera hodi define klaru iha lei ne'e atu esklui tiha krime boot no kompleksu sira hodi la hetan indultu. Krime hirak ne'e, inklui krime transnasionál sira hanesan; drogra, tráfikú umanu, brankamentu kapital, korrupsaun, krime kontra umanidade no krime sira ho natureza violasaun seksual no inestu.

JSMP mós hanoin katak prosesu indultu ka kualker forma ne'ebé Prezidente utiliza tenke iha opsaun atu hamenus pena gradualmente, la'os hasai total hosi prizaun hanesan prátika sira ne'ebé durante ne'e akontese. Ida-ne'e atu eduka kondenadu sira kumpriende prosesu ne'e nu''udar prosesu koresaun ida ba sira nia hahalok sira ne'ebé sira komete hosi faze ba faze seluk. Prosesu hirak ne'e mós atu konsidera no dignifika servisu instituisaun judisiariu ne'ebé ho limitasaun no dezafiu oioin maneja atu aseguara funsionamentu sistema justisa ida ne'ebé kredível no hetan konfiansa públiku.

Durante audénsia deputadu Joaquim dos Santos hosi Bankada Fretelin, husu perspetiva JSMP kona-ba kestaun inkonstitusionalidade se lei ne'e limite Prezidenti da Repúblika nia poder atu fó indultu ba prizioneiru ida tuir artigu 85 konstitisaun RDTL.

Hatan ba kestaun ne'e Diretór JSMP haktuir katak "ita tenke aprende hosi esperensia sira liu ba kotuk katak dalabarak ezersisiu poder prerogativu Prezidensial ne'e esesivu no liutiha nia limete." Poder politiku iha potencia atu uja sala no tanba ne'e tenke iha mekanismu ida atu limite. Ida ne'e mos hanesan mekanismu ida atu iha '*check and balance*' no Parlamentu Nasionál hanesan orgaun lejislativu iha kbi'it atu halo ida ne'e. JSMP hanoin katak limitasaun ba poder

ne'e sei la-implika kestaun inskontitusalidade ruma, maibédi'ak liu husik Tribunál Rekursu mak atu halo apresiasaun ba kestaun ne'e.

“JSMP apresia tebes ho iniciativa Komisaun A atu involve partisipasaun sosiedade sivil iha prosesu halo lei no espera katak ida-ne'e la'os formalidade deit maibé husu atu rona no konsidera kestaun sira ne'ebé sosiedade sivil propoin,” dehan Diretór Ezekutivu JSMP, Luis de Oliveira Sampaio.

JSMP observa katak deputadu sira hosi Komisaun A antusiasmu tebes atu rona hanoin husi JSMP no AJAR. Deputadu sira konsidera ideia sira ne'e importante tebes no husu atu JSMP bele hatama submisaun eskrita ba Komisaun A atu bele inkorpora iha relatóriu pareser ba Komisaun lori ba diskusaun espesialidade.

Prezidénti Komisaun A subliña katak Komisaun A sei kontinua konsulta ho sosiedade sivil liu-liu JSMP ho AJAR, inklui membru sosiedade sivil relevante sira seluk atu fó ideia ba esbosu lei balun ne'ebe agora dadaun Komisaun A agenda hela atu diskute iha tempu badak.

Tuir planu JSMP sei hatama JSMP ninia submisaun eskrita ba Komisaun A Parlamentu Nasionál iha Segunda-Feira, 25 Janeriu 2016.

Atu hetan informasaun kle'an liu tan favor kontaktu:

Luis de Oliveira Sampaio

Diretór Ezekutivu JSMP

Telefone: 3323883 |77295795

www.jsmp.tl

Facebook: www.facebook.com/timorleste.jsmp

Twitter: @JSMPtl